

Si affannadu sò,
 o sò de malumore
 e mi anit su tou pensamentu;
 ogni pena, ogni affannu,
 dai me iscumparit,
 comente nue dai su entu ispinta.
 Est tantu forte
 pro te, custu amore
 chi cuntentu mi faghet
 solu pensende a tie.
 Tottu custu proite?
 Ca mi has fattu meda simpatia!
 E a tie m'attirada
 su carattere tou,
 chi a tottu
 faghede imbidia.
 Amo sa vida si tue m'amas,
 l'odio si mi trascuras.
 Si t'isco lontana,
 ti chirco
 comente in su desertu,
 una funtana si chircat
 un'umbra.
 S'iscopu de vivere,
 pro me ses tue;
 senza s'amore tou,
 sa vida mia, pensa chi es finida,
 este una vida morta.
 Pensami,
 rispondemi e narami:
 mai des' desizzare
 essere de attere:
 ma solu sa mia.

Torro a sa terra nadia,
 cun su tou pensamentu.
 T'incontro e tento
 un'asu a ti dare,
 ma mi trattenzo:
 sas laras tuas
 chi tantu inviatajana a sos basos,
 sumu tintas
 de una tinta ruja azzesa:
 timo de imbruttare sas mias!
 E sos pilos brundos,
 chi isoltos in sas palas,
 ti falajana a sa Nazzena,
 ue sumu
 chi plus non los bido?
 Segados dai sa fosciga
 e sa moda.
 Ue sunt cuddos caros chizzos,
 chi umbrajana sos ojos
 tuos bellos?
 Una riga 'e lapis
 bi restada pro signale.
 Chi siede una sogniu
 già lu prego,
 e in su m'inde ischidare
 l'incontrare de nou
 comente fidi in su tempus passadu.
 Solu gai s'amore,
 chi in me est mesu mortu;
 torrede de bellu nou a fiorire.

SU PARAGONE

Sò messende,
 in d'una die calda de s'istiu:
 una sisia non movet de entu.
 Est arriidu su sede,
 non rezzet mancu a lu leare in manu.
 S u suore mi bagnat sa camija
 e abundante mi falat in faccia.
 Su respiru affannosu
 dae s'isforzu e su tantu tribagliu.
 E penso: chie obligat
 sos membros mios a su sacrificiu?
 Este sa volontade,
 anima e sentimentu
 chi forman cosa sola,
 e sos membros obbidini prontamente.

Gai Deus de fronte a s'Infinidu,
 est s'anima de tottu s'Universu.
 Nisciuna meraviglia,
 si su Sole s'attaldada a calare,
 pro inchire sa battaglia Giosuè.
 O si su Mare Ruiu,
 lassada su passazzu
 a sos ebreos chi sun perseguidos
 e lu podent passare a pè asciuttu.
 Sas muntagnas s'aberini
 ca s'Autore insoro
 est ispirende in Rughe.
 Chie est Deus?
 Est s'anima de tottu s'Universu!
 E s'Universu est Deus.

MOTTO:

Homine senza speranza